



XALQ DEPUTATLARI QAMASHI TUMAN KENGASHI Q A R O R I

2023 - yil 27 - fevral

VI-59-19-4-58-K/23

Qamashi tuman hokimligi

Qamashi tumani Mang'it mahallasidagi takror nomlangan ko'cha nomini qayta nomlash to'g'risida

Geografik obyektlarni nomlash va qayta nomlash masalalari bo'yicha tuman komissiyasining 2022-yil 15-sentabrdagi 7-son yig'ilish bayoni, Qamashi tuman hokimining viloyat komissiyasiga aholi punktining tarkibiy qismini qayta nomlash to'g'risidagi taklifi, O'zbekiston Respublikasi Davlat soliq qo'mitasi huzuridagi Kadastr agentligining 2022-yil 20-oktabrdagi 00826-son ekspert xulosasi va O'zbekiston Respublikasining "Geografik obyektlarning nomlari to'g'risida"gi Qonuni 9 va 10-moddasi hamda "Mahalliy davlat hokimiyati to'g'risida"gi Qonunining 6-moddasiga asosan Xalq deputatlari Qamashi tuman Kengashi

QAROR QILADI:

1. Qamashi tumanida Geografik obyektlarni qayta nomlash to'g'risida Qamashi tumani hokimining ma'naviy-ma'rifiy ishlar samaradorligini oshirish, davlat tili to'g'risidagi qonun hujjatlariga rioya etilishini ta'minlash masalalari bo'yicha maslahatchisi N.Ro'ziyevaning axboroti ma'lumot uchun qabul qilinsin.

2. O'zbekiston Respublikasining "Geografik obyektlarning nomlari to'g'risida"gi Qonuni va O'zbekiston Respublikasi Davlat soliq qo'mitasi huzuridagi Kadastr agentligining 2022-yil 20-oktabrdagi 00826-son ekspert xulosasiga asosan Qamashi tumani hokimining aholi punktining tarkibiy qismi bo'lgan ko'chani qayta nomlash to'g'risidagi taklifi ma'qullansin.

3. Qamashi tumani Mahalla va nuroniylarni qo'llab-quvvatlash bo'limi (Bekmurzayev) bir hafta muddatda tuman hududidagi Mang'it mahallasi

hududidagi **Abu Nasr Forobiy** nomli ko'chani ekspert xulosasiga ko'ra **Mutal Burhonov** nomiga o'zgartirib, zamonaviy ko'rinishda peshlavhalarga yozib o'rnatish, aholi o'rtasida keng targ'ibot-tashviqot ishlarini o'tkazish vazifasi yuklansin.

4. Tuman ichki ishlar bo'limi (Meyliyev) qayta nomlangan ko'cha nomini inobatga olib, hududda yashovchi aholining fuqarolik pasportlari berilayotganda mazkur holatga alohida e'tibor qaratsin.

5. Ushbu qaror "Qamashi" gazetasida e'lon qilinsin.

6. Ushbu qarorning ijrosini nazorat qilish tuman hokimining yoshlar siyosati, ijtimoiy rivojlantirish va ma'naviy-ma'rifiy ishlar bo'yicha o'rinbosari (Haydarov), Sud-huquq masalalari va korrupsiyaga qarshi kurashish bo'yicha doimiy komissiyasi (Omonova) zimmasiga yuklansin.

7. Mazkur qaror rasman e'lon qilingan kundan boshlab kuchga kiradi.

Kengash raisi



B.Tog'ayev